

2807

ՍՈՑԻԱԼ-ԲԱՂՍՔԱԿԱՆ ԳՐԱԳԱՐԱՆ

4

Գ. ՊԼԵԽԱՆՈՎ

1825 թ. ԴԵԿՏԵՄԲԵՐԻ 14-Ը

(Ժընեռւմ 1900 թ. դեկտեմբերի 14/27-ին սուսական ժողովում
արտասանած ճառը).



9(47)
7-68

1925

Հ. Ս. Խ. Հ. ՊԵՏՀՐԱՏ № 315 ՄՈՍԿՎԱ

24 JAN 2006

30 MAY 2011

№

ՍՈՑԻԱԼ-ԲԱՂԱՔԱԿԱՆ ԳՐԱԴԱՐԱՆ

8.5.30

9(47)

7-68

ար

Գ. ՊԼԵԽԱՆՈՎ

1825 թ. ԴԵԿՏԵՄԲԵՐԻ 14-ը

ժրնեում 1900 թ. դեկտեմբերի 14/27-ին սուսական ժողովում
արտասանած ճառը).



1925

Հ. Ս. Խ. Հ. ՊԵՏՆՐԱՏ № 315 Մ Ո Ս Կ Վ Ա

Թարգմանություն Գ. Տ.—Մ.
Խմբագրություն Դ. ՄՄՈՆՅԱՆԻ

5-26
46

Պ. Պ. 1

Ուղիղ 75 տարի սրանից առաջ, 1825 թվականի դեկտեմբերի առաջնաչորսին Պետերբուրգում տեղի ունեցավ մի անցք, վորը ժամանակակիցներին խոր զարմանք պատճառեց և արժանի յե ապագա սերունդների լիակատար ուշադրութեան:

Յես խոսում եմ Պետերբուրգի հրապարակներից մեկում տեղի ունեցած զինական ապստամբութեան մասին:

Ի պատիվ այդ անցքի մենք հավաքվել ենք այս դահլիճում, և, հարկավ, միայն մենք չենք, վոր այսոր հարգում ենք նրա հիշատակը: Համակրական հիշողությունը արագ բաբախեցնել և տալիս բոլոր այն սուս,— և գուցե վոչ միայն ուս,— մարդկանց սրտերը, վորոնք շահագրգռված չեն միապետութեան պահպանմամբ և այն առբեր չեն դեպի քաղաքնուն քաղաքացի դարձնող հիմնարկները, այսինքն դեպի այն հիմնարկները, վորոնք յերկրի համար ապահովում են քաղաքական ազատութեան բարիքները:

Այն կարգի ժողովներում, վորպիսին այս ժողովն և, ընդունված չե յերկար «րեֆերատներ» կարգալ: Այստեղ ավելի տեղին են, ինչպես գերմանացիներն են անվանում,— Festreden: Այնուամենայնիվ յես մտադիր եմ ընդլիճադրել ձեր առաջ, գոնե մի քանի խոսքով, ինչպես այն շարժումը, վոր հասցրեց սենատի հրապարակում տեղի ունեցած ապստամբութեան, նույնպես և այն միջավայրը, ուր նա ծագեց և զարգացավ:

Ա. Գերցենը իր «La Conspiration russe de 1825» բրոշյուրի մեջ ասում և, վոր Ալեքսանդր I թագավորութեան որով «ազնվականութեանը կազմում եր, այսպես ասած, ակախիվ ժողովուրդ, վորի տակ առորեվ գտնվում եր անշարժ մնացած ժողովուրդը և վորի վրա վերևում կանգնած եր կառավարությունը, վորը հրաժարվում եր առաջ շարժվել»:

Ժողովուրդը, այսինքն իսկապես գյուղացիությունն ու այն ժամանակվա ֆարրիկային սակավաթիվ բանվորները, այդ միջոցին ել ընավ անշարժ չեր: Նա խոր կերպով հուզվում եր, և նրա դժգոհությունը մերթ այստեղ, մերթ այնտեղ, պոռթկում եր, ինչպես մեզ մոտ են ասում, բունտերի ձևով: Սակայն Գերցենը այնուամենայնիվ ի-

բավացի յե այն իմաստով, վոր մեր կողմից նկատի առնվող շարժումը տեղի ուներ բացառապես ազնվականության մեջ: Յերբ Ռիլեի մեջ միտք ձագեց վաճառականներին Բարորության միության (Союз Благоденствия) անդամագրել, այդ միտքը նրա ընկերների կողմից մերժվեց, վորովհետև, ինչպես արտահայտվեց Միության անդամ բարոն Շտեյնզելը, մեր վաճառականները տխմար մարդիկ են:

Սակայն ինչպիսին եր այն ժամանակ ազնվականության միջավայրը, ինչպիսին եր ազնվականության սոցիալական դրությունը:

Ազնվականությունը բարձրագույն, տրոտնյալ դասակարգ եր: Նա շահագործում եր գյուղացիներին: Այն ժամանակվա Ռուսաստանի տնտեսական յետամնացության պատճառով գյուղացիների շահագործումը ազնվականության կողմից տեղի յեր ունենում ամենագոեհիկ ձևով—ճորտացին կախման ձևով: Ճորտատիրական իրավունքը վորոշում եր կալվածատերերի ու գյուղացիների բոլոր հարաբերությունները ու իր կնիքն եր դնում Ռուսաստանի ամբողջ սոցիալաքաղաքական կազմի վրա: Գյուղացիները կալվածատերերի դեմ մղվող իրենց անդադար, թեև համարյա միշտ դադարնի պայքարում, անվստահ իրենց սեփական ուժերի վրա, իգեհալականացնում ե՞լ ինցարին, պատկերացնելով նրան իբրև ժողովրդի պաշտպան: Նրանք պատրաստ եյին վոչնչացնել ազնվականներին բարձրագույն կառավարության առաջին նշանն ստանալուն պես: Հենց միայն այդ հանդամանքը բավական եր, վորպեսզի ազնվականները զրկվեյին ցարական իշխանության վերաբերմամբ ունեցած ամեն տեսակի անկախությունից: Իսկ դրան միանում եր նաև ստորին, աղքատ ազնվականության օնվըստահ և նույնիսկ ուղղակի թշնամական վերաբերմունքը դեպի բարձրը, հարուստ ազնվականությունը: Հայտնի յե, վոր այդ վերաբերմունքը զգալի չափով նպաստեց թագուհի Անա Իվանովնայի այն հաղթանակին, վոր նա տարավ բարձրաստիճան պաշտոնատարների (ВЕРХОВНИКИ) վրա, վորոնք փորձում եյին սահմանափակել նրա իշխանությունը:

Այդ ամենի շնորհիվ «Ռուսաստանի փառապանծ ազնվականությունը» ակամայից ստիպված եր հաշտվել միահեծանության չարիքների հետ և իր անձնվիրության մեջ հավաստիացնել նույն այն թագավորներին, վորոնց գեմ նա այնքան հաճախ և յերբեմն այնքան հաջող «գավեր եր լարում»: Ռուս ազնվականը, վորը իր ստորադրյալների նկատմամբ իրեն պահում եր «ինչպես մեծ աղա» (важный барин), բարձրագույն իշխանության հետ ունեցած հարաբերությունների մեջ իրեն պահում եր ինչպես լակեյ: Ահա ինչպես և բնույթագրում, որինակ, Մոսկվայի բարձր հասարակության տրամադրությունը, խելոք ու դիտող անզուհի միսս Կատրին Ուլլմոտը, վորը 1805—1807 թվականներին հյուր եր

յեկել իշխանուհի Յե. Բ. Իաշկովայի մոտ. «Յենթարկությունը մեծ չափով տիրապետում ե Մոսկվայում: Իսկապես այստեղ չկա այն, վոր կոչվում ե ջենտլմեն, ամեն վոք իր արժանապատվությունը չափում ե թագավորական վոգորմածության չափով: Ուստի ծեր ապուշներն ու ցնդած կանայք ամենակարող են... ունենալով իրենց վրա ավելի շատ ժապավեններ ու աստիճանավորումներ, քան յերիտասարգները»¹⁾ Յեվ նույն միսս Ուլլմոտը բավականին պարզ տեսնում եր դիտված «հնագուհու թյան» վոգու և ճորտատիրական իրավունքի միջև յեղած սերտ կապը:

«Յես նայում եմ ամեն մի ուսական պլանտատորի վրա,—ասում ե նա,—իբրև այդ թագավորությունը շղթայող հսկայական կապանքի յերկաթե մի սղակի, և յերբ հասարակության մեջ յես հանդիպում եմ նրանց, ակամայից մտածում եմ, վոր նրանք իրենք ևս բռնակալի ճորտերն են»²⁾:

Միսս Ուլլմոտի նամակները, ինչպես յես ասացի, վերաբերում են 1805—1807 թվականներին, այսինքն Ալեքսանդր Կ թագավորության սկզբին: Սակայն ազնվականության միջավայրում իշխող վոգին, հարկավ, չփոխվեց և այդ թագավորության վերջին: Այն, ինչ կոչվում եր բարձր, կրթված հասարակություն, — ասում ե դեկաբրիստ Ի. Գ. Յակուչկինը,— դա այն ժամանակ մեծ մասամբ բաղկացած եր հնածեսներից, վորոնց համար մեղ հետաքրքրող վորև և հարցի շոշափումը սարսափելի վոճրագործություն կթվար: Իրենց կալվածներում ապրող կալվածատերերի մասին խոսելն անգամ ավելորդ ե»³⁾: Ազնվականության հսկայական մեծամասնությունը ճորտատիրական իրավունքի վոչնչացման մասին մտածել անգամ չեր ուզում:

«Համարյա բոլոր կալվածատերերը,— շարունակում ե Ի. Գ. Յակուչկինը,— նայում եյին գյուղացիների վրա, իբրև ամբողջովին իրենց պատկանող սեփականության, և ճորտատիրական վիճակի վրա՝ իբրև սրբազան հնության, վորին դիպչել չի կարելի առանց պետության հիմքերը ցնցելու: Նրանց կարծիքով, Ռուսաստանը պահվում եր միայն ազնվատոհմ դասի շնորհիվ, իսկ ճորտատիրական վիճակի վոչնչացումով կվոչնչանար և ինքը ազնվականությունը»⁴⁾: Իուք, պարոններ, հեշտությամբ կարող եք պատկերացնել ձեզ, թե իբրև նման դրության սացիալական և հոգեբանական հետևանքները ինչպես են յեղել և ինչ-

1) Письма из России (1805—1807) Мисс Катрин Уильмот. перевод с английского языка, Лейпциг, 1876, стр. 49.
 2) Նույն տեղը, էջ 61.
 3) Записки декабристов. Выпуск первый. Записки Ивана Дмитриевича Якушкина, Лондон, 1862 г. стр. 8—9
 4) Նույն տեղը էջ 21.

պես պետք է լինեյին: Նույն այդ Ի. Գ. Յակուշկինը իրավացի կերպով նկատում է, վոր ճորտատիրական իրավունքը մեզ մոտ ամեն մի քայլափոխում յերևան էր գալիս ամենազարշելի հեռանալքներով: «Անընդհատ ինձ լուրեր էյին հասնում,—ասում է նա—իմ հարևան կալվածատերերի վայրագ վարմունքների մասին: Նրանցից ամենամոտիկը՝ ժիզանովը, վորն ուներ ընդամենը 60 հոգի, շարունակ կառքով եր շքըջում ու բարակների և գամփոսների մի հսկայական վոհմակ ուներ. մինչդեռ նրա գյուղացիները քաղցից համարյա մեռնում էյին և հաճախ, դաշտային աշխատանքներից գողտուկ հեռանալով իմ և իմ գյուղացիների մոտ էյին գալիս վողորմություն խնդրելու»... «Միևնույն ժամանակ համարյա անընդհատ լուրեր էյին հասնում զանազան նահանգներում տեղի ունեցած եկեղեցիականների մասին»¹⁾: Համբերությունից դուրս գալով, գյուղացիները հրաժարվում էյին հնազանդվել, և այն ժամանակ զինվորական ուժ եր ուղարկվում նրանց վրա, վորը անգթորեն պատժում եր նրանց: Ճիպտան ու գավազանը, ծայրահեղ գեպտում սովիներն ու գնդակները, «նահապետական» ճորտատիրական սեփիմ անհրաժեշտ արդյունքն ու անխուսափելի դատարակչական միջոցն էյին: Դաժանությունը արժանիք եր դառնում նրանց համար, վորոնք կանգուն էյին մնում միայն դաժանության ողնությամբ: Ի. Գ. Յակուշկինից մենք իմանում ենք, վոր այն ժամանակվա ամբողջ գվարդիայում ամենալավը համարվող Սեմյոնովսկի գնդի սպաները մինչև 1813—1814 թվականների արտասահմանյան արշավանքը, սիրում էյին միմիանց հետ խոսել այն մասին, թե ինչպես ավելի լավ է պատժել զինվորներին—քիչ քիչ, բայց հաճախ, թե սակավ, բայց խիստ: «Յես լավ հիշում եմ,—ասում է նա,—վոր յերկրորդ գումարտակի հրամանատար բարոն Դալլասը, վորը հետագայում կարլոս X որով Ֆրանսիայում արտաքին գործերի մինիստր դարձավ, այն կարծիքին եր, վոր պետք է պատժել սակավ, բայց միևնույն ժամանակ զինվորին 200 ճիպտից պակաս յերբեք չի կարելի տալ, և հարկավոր է նկատել, վոր այդպիսի անողոր պատիժներ գործադրվում էյին վոչ միայն վատ վարքի համար, այլ յերբեմն ծառայության ժամանակ յեղած ամենահասարակ մեղքի համար և նույնիսկ զորաշարքում կանգնած միջոցին պատահած սխալի առթիվ»²⁾:

Այս ամենը ցույց է տալիս, վոր այն ժամանակվա ողնվակունության հսկայական մեծամասնությունը «ակտիվ» եր թերևս միայն ի վնաս ժողովրդի: Այդ մեծամասնությունից չեր կարելի քաղաքացիական անշահասեր արիւթյուն սպասել: Յեւ մենք հաղիվ թե սխալ-

¹⁾ Նույն տեղը, էջ 40 և 24.
²⁾ Նույն տեղը, էջ 28—29.

վենք, յեթե նրան վերագրենք Կ. Ֆ. Բիլեի խոսքերը (նրա «Ստանաներ»-ից).

Ամենուրեք հանդիպումներ անուրախ,
 Վորոնում ես ունայնորեն դու մարգիկ
 Ու հանդիպում դիակների միայն պաղ.
 Յեւ կամ անմիա մանուկների...

Բայց ի պատիվ մեր յերկրի, այդ ամեն մի կենդանի մտքի ու ամեն տեսակի ազնիվ հույզերի համար մեռած միջավայրում Արևմտյան Յեւրոպայի tiers état ազատագրական շարժումների ազդեցության տակ, սկսեցին յերևան գալ մարդիկ, վորոնք հասկանում էյին այն ժամանակվա Ռուսաստանի դրության ամբողջ սարսափը և պատրաստ էյին բոլոր ուժերով ծառայելու ուս ժողովրդի ազատագրման գործին: Այդպիսի մարդիկ մեզանում պատահում են արդեն տասնութերորդ դարում: Դրանք գաղափարախոսներ էյին, վորոնք, (արտահայտված «Կոմունիստական Մանիֆեստի» խոսքերով) հասել էյին մինչև պատմական շարժման ընթացքի թեորիական ըմբռնմանը: Նրանք ասում էյին ճորտատիրական իրավունքը և ձգտում էյին քաղաքացիական ազատության: Միաժամանակ նրանք շատ պարզ գիտակցում էյին, վոր քաղաքացիական ազատությունը հնարավոր չի այնտեղ, ուր ցարական կամայականության համար սահմաններ գոյություն չունեն:

Այսպես, դեռ Կնյաժնինը ասում եր իր «Вадим»-ում:

Միապետությունն ամենուրեք շարիքներ և ծնում,
 Վտանգում է մինչ իսկ առաքինությունը բյուրեղ,
 Ու, կրքերին աղատորեն ճանապարհներ բացելով,
 Թագավորին բռնակալ է դարձնում:

Սակայն տասնութերորդ դարի ազատագրական ձգտումների ամենացայտուն ներկայացուցիչը անկասկած յեղել է Ռադիշչեկը: Նրա նշանավոր «Ճամբորդություն Պետերբուրգից մինչև Մոսկվա» (Путешествие из Петербурга в Москву)-ն ցույց է տալիս, թե ինչպիսի ուժեղ զայրույթ են պատճառել նրան «ազնվականության ազահությունը, կողոպուտը, վայրագությունը և աղքատի անպաշտպան դրությունը»: Նա կալվածատերերին ազահ գազաններ ու անկուշտ տգրուկներ է անվանում: Նա հարց է տալիս նրանց, թե ինչ են թողնում գյուղացուն, և պատասխանում է. «Այն ինչ իսկ չեք կարող ողբ: Այո, միայն ողբ: Սրում եք նրանից հաճախ վոչ միայն հողի բարիքները՝ հացն ու ջուրը,

այլ և հենց լույսը... Ահա շղթայվածի վիճակը! Ահա գարշահոտ բանտի կալանավորի վիճակը! Ահա լծկան յեզան վիճակը»¹⁾։

Ռադիշչևը, ատելով ճորտատիրական իրավունքը, ատում էր և ցարական իշխանությունը։ Նրա՝ շատ տեսակետներից ուշագրավ՝ «Ազատություն» (ВОЛЬНОСТЬ) ներդրում աշխարհի ընթացիկին առանձնապես զարմացնում է հետևյալ տունը, վորն ըստ յերևույթին տասնյոթերորդ դարի Անգլիական հեղափոխության հիշողությունների ազդեցությունն է կրում և մարգարեական հանդիսացավ Ֆրանսիայի վերաբերմամբ, ուր այդ ժամանակ հեղափոխության փոթորիկը ավելի ու ավելի էր բարձրանում։

Կապտամբրի ամենուրեք զորքը քաջամարտ,
Հույսը՝ դենք ամենքին.
Ու արյունով պսակադարդ տանջողի
Կուզի մաքրել իր ամոթը ամեն վոք.
Փայլփրում է ամենուրեք, տեսնում եմ յես, սուրը կտրուկ
Բազմաերանգ մահն է արդեն սավառնում
Արքայական հոգարա գլխի վրայով:
Դեհ, հրձվեցեք ժողովրդն եր մի աձույլ!
Այս բնություն իրավունքն է վրեժի
Վոր արքային կռափնարան է տանում!

Ի գեմս Ռադիշչևի թերևս մենք առաջին անգամն ենք հանդիպում «մտավորականությունից» յելած հեռուողական և համոզված ոուս հեղափոխականի։ Յեվ իդուր չեր Յեկատերինա II նրա մասին ասում, թե նա Պուգաչովից ել ավելի վատ խռովարար է...

Հայտնի յե, վոր Ռադիշչևը կործանվեց, կարելի յե ասել, յերկու անգամ, սակայն այն ձգտումը, վորի ամենաառաջին ներկայացուցիչներից մեկն էր նա, չկործանվեց, այլ դարգացավ ու ամրացավ հետագա թագավորությունների ժամանակ։ Տասնինյերորդ դարի քսանական թվականներին այդ ձգտումը իր կողմնակիցներն է գտնում ավելի կրթված սպաների շրջանում։ Սպայություն շրջանում քաղաքական մտքի արթնացմանը շատ նպաստեցին, ինչպես հայտնի յե, Նապոլեոնի պատերազմները։ «Մի ամբողջ տարի Գերմանիայում և ապա մի քանի ամիս Փարիզում մնալը, — ասում է Յակուշկինը, — չեր կարող գոնե վորոշ չափով չփոխել ոուս մտածող յերիտասարդության հայացքները. այդ հսկայական շրջապատում մեզնից ամեն մեկը շատ թե քիչ դարգացավ»²⁾։ Յեվ, յերբ

1) «Путешествие из Петербурга в Москву. (1790), Лейпцигское издание, 1876 г. 219—220.
2) Записки, стр. 4—5.

այդ պատմական իմաստով իսկապես «վիթխարի» շրջապատից ոուս կրթված յերիտասարդությունը հայրենիք վերադարձավ, նրան անխուսափելիորեն, սպասում էին մի շարք ամենաժանր տպավորություններ։ Ժողովրդի ամոթաբեր ստրկությունը և թագավորի ինքնիշխանությունը չէին կարող չծակել այն աչքերը, վորոնք արդեն ընտելացել էին ավելի մխիթարական տեսարանների. այդ ամենից լավ յերևում է հենց Յակուշկինի գրություններից։

«14 թվականին, ասում է նա, Ֆրանսիայից մենք ծովով Ռուսաստան վերադարձանք։ Առաջին պարզիական դիվիզիան Որանիենրաումի մոտ ափ իջավ և մաղթանք կատարեց... Մաղթանքի ժամանակ վոստիկանությունը անխնա ձեռնում էր ժողովրդին, վորը վորձ էր անում գորաշարքին մոտենալ։ Հայրենիք վերադառնալուց հետո դա մեզ վրա առաջին անպաստ տալավորությունը թողեց»¹⁾։ Հետաքրքրական է, վոր Յակուշկինի ստացած այդ անպաստ տպավորությունը ավելի ու ժեղացնում է Ալեքսանդր I վարմունքը։ Իննյերորդ գվարդիական դիվիզիայի Պետերբուրգ մտնելու պահին Յակուշկինը իր բարեկամ Տոլստոյի հետ Կայսրուհի Մարիա Ֆեոդորովնայի վոսկե կառքից քիչ հեռու կանդնած «հիսանում էր» կայսրով, վորը, գեղեցիկ շեկ-կարմիր ձին հեծած, մոտենում էր շքակառքին, պատրաստվելով սուրը խոնարհելու թագուհու առաջ։ «Բայց հենց այդ նույն րոպեին, համարյա նրա ձիու առջևից վազելով անցավ մի գյուղացի։ Կայսրը ձիուն խթանեց ու մերկացրած սրով վազողի վրա հարձակվեց։ Վոստիկանությունը գյուղացուն փայտի տակ առավ։ Մենք չէինք հավատում մեր սեփական աչքերին ու շուռ տվինք յերեսներս, ամաչելով մեր սիրած կայսրի փոխարեն։ Այդ ինձ համար առաջին հիասթափությունն էր նրանից, յես ակամայից հիշեցի գեղեցիկուհի դարձած կատվի մասին, վորը սակայն չկարողացավ մկանը տեսնել ու չհարձակվել նրա վրա»²⁾։

Յակուշկինի այդ խոսքերից յերևում է, վոր Նապոլեոնի պատերազմների ժամանակ մեր կրթված ու ազատամիտ դիվորական յերիտասարդությունը դեռ սիրում էր Ալեքսանդր I։ Այդ հաստատվում է և ուրիշ վկայություններով։ Բայց խաղաղություն կնքելուց հետո գործը շատ շուտ այլ ընթացք ստացավ։ Մինչդեռ այն ժամանակվա առաջավոր մտորիկ ավելի ու ավելի էին համոզվում հասարակական լայն բարեփոխությունների անհրաժեշտության մեջ, Ալեքսանդր I ավելի ու ավելի էր ընկնում պահպանողականների ազդեցությունից։ Անվերջ ճանապարհորդությունների մեջ լինելով և միշտ զբաղված միջազգային քաղաքականության հարցերով, նա ներքին գործերով համարյա ընամ չեր պարապում, հանձնարարելով այդ իր

1) Նույն տեղը, էջ 5
2) Նույն տեղը, էջ 5—6

սիրելիներին, վորոնց մեջ շատ շուտով առաջին տեղը դրավեց բթամիտ ու անգութ Արակչեներ: Պետական խորհրդի անդամներն ու միևնույն տարները պարտավոր էյին դիմելու նրան այն դեպքում միայն, յերբ կայսերական թուլտուլություն եր պահանջվում: Թե ոուս ժողովրդի համար ինչ եր նշանակում Արակչեներ— դա անկասկած հայտնի չե այստեղ ներկա գտնվողներին, այդ պատճառով յես այդ մասին չեմ խոսի: Բայց պետք է նկատեմ, վոր այն ժամանակվա ոուս հասարակության ազատամիտ փոքրամասնության մեջ վորքան ավելի յեր աճում ատելությունը դեպի Արակչեներ, այնքան նրա՝ դեպի Ալեքսանդր I յեղած սիրո զգացմունքը՝ ավելի արագ եր փոխվում դժկամության զգացմունքի և նույնիսկ, ինչպես Յակուչկինն և ասում, կատաղության¹⁾:

Իժվար չե հասկանալ, թե ինչպես եր ազդում այդ զգացմունքը այն ժամանակվա առաջադեմ մարդկանց մտքերի վրա. յեթե սերբ դեպի կայսրը նրանց մեջ առաջ եր բերում համակրանք և վերևից արվելիք բեֆորմների սպասում, հիասթափությունը ու նրա դեմ յեղած կատաղությունը պետք է առաջ բերեր և ամբողջներ նրանց մեջ համակրանք ու ձգտում դեպի հեղափոխական գործելակերպը: Մարդիկ վորոնք դեռ քիչ առաջ հիանում էյին Ալեքսանդր I և, հավատացած նրա բարի ցանկություններին, պատրաստ էյին նրա յետևից աշխարհի ծայրը գնալու, այժմ նորվում էյին նրան ինչպես «բռնակալի» ու խոսում կայսրի սպանության մասին:

Առաջադեմ մարդկանց այդ նոր տրամադրությունը անմիջապես ազդեց նրանց գրական ճաշակի վրա: Նրանք ամենայն յեռանդով օկտեցին կարգալ հներին, առանձնապես Պլուտարխին, վորով վոչ պակաս ուժեղ չափով տարվում էյին տասնությերորդ դարի ֆրանսական հեղափոխականները: Նրանց սեփական գրական աշխատությունները մեջ բարձր հնչում էյին քաղաքացիական մոտիվները: Հիշեցեք Կ. Ֆ. Բիլևերի «Думы», «Михаил Тверской», «Волынский», «Артамов Матвеев» և ուրիշներ. հիշեցեք հատկապես նրա «Гражданин»: Այս վերջին բանաստեղծությունը այնքան դեղեցիկ և արտահայտում այն ժամանակվա հեղափոխականների տրամադրությունը, վոր ոգտակար կլինի կարգալ այստեղ ամբողջովին: Ահա նա.

Յեվ մի թե յես որհասական այս պահին
Պիտ անարգեմ քաղաքացու պատիվը,
Ու նմանվեմ քեզ՝ թույլ ու ուժասպառ
Սլավոնական այլասերված ազգ:

¹⁾ Նույն տեղը. էջ 36

Վոչ, յես ընդունակ չեմ հեշտասիրության փարուսների մեջ
Ամոթալի դատարկությամբ քարշ տալ որերս ջահել,
Ու տառապել փոթորկվող հոգով
Միապետության ծանր լծի տակ:

Թող ջահելներն՝ աննախատես ճակատագրին՝
Չցանկանան հասկանալու իմաստը գեթ իրենց դարի
Ու անպատրաստ, մնան ունմաս
Բռնարարված ազատության գալիք մարտին.

Կղճան նրանք, յերբ ժողովուրդը, ապստամբվելով,
Կդանի նրանց ծուլ գղվանքների փարուսների մեջ,
Ու խենթ պայքարում իրավունքի ազատություն վնտրելիս,
Նրանց մեջ չի տեսնի վոչ Բրուտոս, վոչ Բիլեզի:

Կ. Ֆ. Բիլևեր յեղել է առավելապես քաղաքացիական զգացմունքների յերդիչ: Նա պոեզիայի մեջ ամենից առաջ բովանդակությունն եր գնահատում, այդ խնդրում մեծապես տարբերվելով Պուշկինից, վորն անդամ ամենաուժեղ քաղաքական վոգեփարության տարիներում չեր դադարում մնալ ձևի գնահատողը:

Բայց առաջավոր շրջանի ընդհանուր տրամադրությունը այնուամենայնիվ ազդեց և Պուշկինի վրա: Որինակի համար ցույց կտամ նրա Ուղեծրը (Послание) Չապտակին, ուր նա հրավիրում է իր ընկերոջը իր հետ միասին հայրենիքի ազատության գործին ծառայել:

Մինչ ազատության տեսչով ենք վառվում,
Մինչ մեր սրտերը պատվի համար կյանք ունեն,
Ընկեր իմ հայրենիքին նվիրենք
Մեր հոգիների հույզերն գեղեցիկ:

Հավատա ընկեր, պիտ բոցավառվի
Արշալույսը յերջանկության հմայիչ,
Ռուսաստանը կզարթնի քնից
Ու կտապալի լուծը միապետության:

Վոչ օակավ բնորոշ և և նշանավոր «Դաշույն» (Клятва) բանաստեղծությունը, վորն առանձնապես աչքի յե ընկնում անխնա ատելությամբ դեպի բռնակալությունը:

Յերբ վոր մարդկանց մեջ նման զգացումներ են ծագում, այն ժամանակ գործողությունը նրանց համար հոգեբանական անհրաժեշտություն և դառնում: Յեվ մենք տեսնում ենք, վոր ար-

դեն 16 թվականին գաղտնի միությունները կազմակերպման փորձեր են յերևան գալիս: Այդ միություններից ամենանշանավորը յեղել է «Փրկության կամ հայրենիքի իսկական ու հավատարիմ զավակները Միությունը», (Союз спасения или истинных и верных сынов отечества) վորի կազմակերպման մասնակցել են Մուրավյով յեղբայրները՝ Ալեքսանդր և Նիկիտա, իշխան Տրուբեցկոյը և Պավել Պետելը: Այդ միությունը իրեն նպատակ էր դրել ձեռնարկել պետական հիմնարկները: Բայց այն ժամանակ գոյություն ունեյին և այլ գաղտնի միություններ, վորոնց նպատակը աչքի չէր ընկնում այդպիսի վորոշակիությամբ: Այդպես էր որինակ Արլովի հիմնած, «ռուս ասպետները» միությունը, (общество «русских рязарей»), վորի անդամները ձգտում էին «չարագործությունները արմատախիլ» անելուն միայն և դրա համար անգամ մտադիր էին կայսրական թուլություններն խնդրել: Պետերբուրգում, մի քանի գվարդիական գնդերի սպաների մեջ, գոյություն ունեյին և ուրիշ միություններ, ինչպես և Մալարոսիայում, ուր Նովիկովը մասոնական ժողովարանին կից Մալարոսիական Միությունը (Малороссийское Общество) հիմնեց և ուր հետագայում կազմվեց միացյալ սլավոնները միությունը, վորը ձգտում էր բոլոր սլավոնական ժողովուրդների ազատության և Ֆեդերատիվ միության: Սակայն այստեղ, մեղ ամենից շատ «Փրկության Միության» (Союз спасения) բաղնի է հետաքրքում:

Այդ միության պատմության մեջ, վորը շատ շուտով վերանվանվեց «Բարորության Միություն» (Союз Благоденствия), անհրաժեշտ է ամենից առաջ մատնանշել, իբրև ձգնաժամի դարերջյան, 1821 թ. փետրվարի Մոսկվայի համագումարը, վորտեղ վորոշվեց հակառակադարական գործունեությունը ընդհատել ու վերջ տալ հենց իրեն, միության գոյության: Բայց իսկապես միությունը չցրվեց, այլ միայն վերակազմվեց, իսկ նրա գործունեությունը ընդհատման վորոշումը ընդունվեց, վորպեսզի նրանից հեռացվեն վորոշ անբարենոյս ու անվճարական տարրերը: Հենց նույն այդ համագումարում նոր կանոնադրություն է մշակվում, վորը բաժանվում է յերկու մասի. առաջին մասում, վորը վերաբերում էր նոր անգամագրվողներին, ասվում է, թե միությունը մարդասիրական նպատակներ է հետապնդում. յերկրորդ մասում, վորը իրագրեկները (для посвященных) համար էր, ցույց է տրվում միության իսկական նպատակը — միապետության սահմանափակումը Ռուսաստանում: Միության գործերը վարելու ու առաջնորդելու համար հիմնվում են հատուկ «Դոմաներ»: Առաջին հերթին հիմնվում են այդպիսի չորս դոման՝ Պետերբուրգում, Մոսկվայում, Սմոլենսկի նահանգում և Տուլչինում:

Միության հետագա պատմության մեջ գլխավոր դերը պատկանում է Տուլչինի համանունքին, վորը հայտնի յեր «Հարավային Միության» (Южное Общество) անունով և գտնվում էր Պ. Պետելի ազդեցության տակ, և Պետերբուրգինը, վորը յերբեմն «Հյուսիսային Միություն» (Северное Общество) էր անվանվում: Վերջինում հետագայում գլխավոր ազդեցությունը ձեռք է բերում Կ. Փ. Րիլերը:

Արդեն Մոսկվայի համագումարին վճռվում է զորքերի վրա գաղտնի միության վորով ազդել և «ամեն մի դեպքի համար նախապատրաստել» նրանց¹⁾: Այդ ժամանակից սկսած «Բարորության Միության» անդամները չեն թողնում զինական ապստամբության միտքը, վորն ըստ յերևույթին աճում ու հասունանում էր իսպանական անցքերի ուժեղ ազդեցության տակ: 1823 թ. ծրագրվում է Բորբույսկում գորտեսի ժամանակ ձանկել թագավորին: Այդ ծրագիրը ույժեղի գորտեսի ժամանակ ձանկել թագավորին, սակայն շատ ժամանակ չանցած քիչ փոփոխված ձևով նորից յերևան է գալիս: Հենց 1824 թ. ապրիլին Պետելը, Բեստուժեվ-Րյումինը, Պոլիո յեղբայրները, Դավիդովը և Շվեյկովսկին մտադրվում են Բելայա Յերկովի գորտեսի ժամանակ սպանել Ալեքսանդր I և զորքերը գրգռելով առաջնորդել նրանց Կիևի և Մոսկվայի վրա: Պետելը հույս ունեւր, վոր իրեն կհաջողվի, վոչնչացնելով կայսրական ընտանիքը, ստիպել Սենատին ու Մինոդին ձանաչել գաղտնի միությունը իբրև ժամանակավոր կառավարություն, վորի վրա պարտականություն կդրվեր նոր իրավակարգ հաստատել:

Բելայա Յերկովում գորտեսը չկայացավ, և այդ պատճառով էլ այդ նոր ծրագիրը գործնական հետևանքներ չունեցավ:

Պետելը համոզված հանրապետական էր և անհրաժեշտ էր դրանում Ռուսաստանում հանրապետություն հաստատել: «Բարորության Միության» մի քանի այլ անդամները պատրաստ էին բավարարվել Սահմանադիր ժողով հրավիրելով: վորը կվորոշեր, թե Ռուսաստանը հանրապետական լինի, թե մնա միապետական²⁾:

Սակայն բոլորն էլ միանդամայն համաձայն էին, վոր անհրաժեշտ է միապետության և ճորտատիրական իրավունքի գոյությանը վերջ տալ³⁾: Դավադիրների հաջողությունը կնշանակեր

1) Якушкин. Записки, стр. 58
 2) Այդ մասին տես, «Գաղտնի քննիչ հանձնախմբի տեղեկագրերի քննությունը» (Разбор донесений тайной следственной Коммисии), վոր վերագրվում է Նիկիտա Մուրավյովին և Լուսինին և ազգաբնակից և դեկաբրիստների գրությունների («Записки декабристов» выпуск второй и третий, Лондон 1863 г. стр. 103—136) մեջ: Հիմնադիր ժողովի մասին արված դիտողությունը գտնվում է էջ 109-ում:
 3) «Գաղտնի քննիչ հանձնախմբի տեղեկագրերի քննություն» հեղինակ-

քաղաքացիական և քաղաքական ազատութեան հողթանակը Ռուսաստանում: Ամբողջ հարցը նրանումն և թե հաջողութիւնը հնարավոր եր արդո՞ք: Իսկ այդ առթիւ պետք է նկատել, վոր դրա մեջ հաճախ կասկածում եյին և իրենք «Բարորութեան Միութեան» անդամները: Յեւ այդ հանգամանքը,—պովարդները կասկածը սեփական գործի հաջողութեան մեջ,—մեր առջև բաց և անուժ նրանց հոգեբանութեան մի ծայր աստիճանի նշանակալի գիծը: Կասկածելով, համենայն դեպօքնքն, հաջողութեան հնարավորութեան մեջ, պողտնի միութեան անդամները այնուամենայնիվ չեյին դադարում ձգտել կովի ու բացահայտ ապստամբութեան: Նրանք համարում եյին, վոր իրենց կորուստը բարեբաստ եյին իրենց զոհաբերել հայրենիքի բարորութեան համար: Նրանց հոգեբանութեան այդ գիծը ցայտուն կերպով արտահայտվում է Կ. Ֆ. Բիլեևի «Նալիվայկոյի խոստովանութեան» (Исповедь Наливайко) նշանավոր հատվածում:

Անկում է սպասում, յես գիտեմ,
 Նրան ով առաջինն ապստամբողի
 ժողովրդի ճնշողների դեմ.
 Ճակատագիրը դատապարտել է ինձ արդեն:
 Բայց թե վո՞րտեղ, յերբ և յեղեղ
 Ազատութեանն առանց զոհի:
 Կյանքս պիտ տամ հայրենիքիս,—
 Յես զդում եմ, յես այդ գիտեմ,
 Իւ բերկրանքով, ո՞ հայր իմ սուրբ,
 Վրճակը իմ որհնում եմ յես!

Իեկարբիտա Ն. Ն. Բեստուժևը իր «Հիշողութիւններ Կոնդրատի Գեորգիևի Ֆեոդորովիչ Բիլեևի մասին» (Воспоминания о Кондратии Федоровиче Рылееве) գրքում պատմում է, վոր յերբ Բիլեևը, գրելով այդ խոստովանութիւնը», կարգաց այն իր մոտ ապրող Միխայել Բեստուժևին, վերջինս բացականչեց, «Գիտե՞ս թե ինչպիսի գաշակութիւնն ես գրել ինքդ քո և մեր մասին: Իու կարծես թե ցանկանում ես այդ վտանավորներով ցույց տալ քո ապագա վիճակը».— «Մի՞թե գու կարծում ես, թե յես զեթ մի վայրկյան կասկածելեմ իմ կոչման մեջ,—պատասխանեց Բիլեևը.— Հավատա ինձ, վոր ամեն մի նոր

նոր այդ հանձնարմբին արդարացի հանդիմանում են նրա համար, վոր նա իր տեղեկագրի մեջ գրութեան է մասնում զուղացիների ազատագրումը, վորը պիտ բազաքացիական իրա վունքներ վերադարձներ մեր մի քանի միլիոն հայրենակիցներին» (Նույն տեղը էջ 116) «Բարորութեան Միութեան» այդ գիտավորութեան մասին խոսելը շահավետ չէր քննիչների համար:

ուր համոզում և ինձ իմ անելիքների անհրաժեշտութեան մեջ և ապագա կորուստի մեջ, վորով մենք պիտի գնենք մեր առաջին փորձը Ռուսաստանի ազատութեան համար. դրա հետ միասին նա համոզում է քնած ուսաստանցիներին արթնացման անհրաժեշտ որինակ ցույց տալու մեջ»¹⁾:

Ն. Ա. Բեստուժևի այս վկայութիւնը էլ վոչ մի կասկած չի թողնում այն մասին, վոր «Բարորութեան Միութեան» անդամների մի վորոշ մասը զիտակցորեն նահատակութեան էր գնում: Սակայն հայտնի չէ, վոր նահատակվելու ձգտումը վոչ միայն չի թուլացնում այդ գիտումն ունեցող մարդկանց յեռանդը, այլ տասնապատկում է այն: Բիլեևը, հաստատ համոզված լինելով նրա մեջ, վոր իր կորուստը անհրաժեշտ է քնած ուսաստանցիներին արթնացնելու համար—ինչպես յես արդեն ասացի, հանդիսանում էր հոգին Պետերբուրգի «Հյուսիսային» Միութեան, վորը «Հարավայինի» նման գտնում էր, վոր պետք է անհասպաղ գործողութեան անցնել: 1825 թ. Բիլեևն, ըստ քննիչ հանձնարմբի տեղեկագրի» խոսքերի սկսեց ակնարկներ անել 1826 թ. մայիսին ապստամբութեան սկսելու հնարավորութեան մասին: Պետեևն էլ իր հերթին հնարավոր էր գտնում ապստամբել նույն թվի հունվարին: Բայց թե մեկի և թե մյուսի կողմից չնախատեսված հանգամանքներն այնպես դասավորվեցին, վոր «Բարորութեան Միութեանը» հարկադրված էր զենքի դիմել դեռ այդ ժամկետից էլ առաջ:

1825 թ. հունիսին Ալեքսանդր Ա Բուզակի 3-րդ հեծելազորի յենթապա Շերվուզից գրավոր մատնութեան ստացավ, վորը մատնանքում էր գաղտնի միութեան գոյութեանը և անգամ անվանում նրա անդամներից մեկին՝ Ֆյոդոր Վատկովսկուն: Նույն թվականի սեպտեմբերին Շերվուզը նոր մատնութեան է անում, վորն իր մեջ ավելի մատնան ցուցմունքներ էր պարունակում: Շերվուզի այդ մատնութեանները հաստատվում են զենքալ-լեյտենանտ Վիտտի և Վյատսկի գնդի կապիտան Մայորոդի մատնութեաններով. վերջինս ինքը «Բարորութեան Միութեան» անդամ էր: Այդ մատնութեանների հիման վրա ձերբակալվում են «Հարավային Միութեան» մի քանի անդամները, վորոնց թվում է Պետեևը: Այս առաջին ձերբակալութեաններին անխուսափելիորեն պետք է հետեւելին և ուրիշ ձերբակալութեաններ: Համենայն դեպս «Բարորութեան Միութեանը» մի շարք ծանր հարվածներ կստանար: Սակայն բանը դրան չհասավ: Իեկտեմբերի տասնևչորսին, այն նույն օրը, յերբ Հարավում ձերբակալվեց Պետեևը, Պետերբուրգում, Սենատի հրապարակի վրա, ապստամբութեան առաջացավ:

Իուք, բոլորդ պարոններ, հարկավ, գիտեք, թե վորն էր Պետերբուր-

¹⁾ Полярная Звезда, кн. 6 стр. 1—2

դչան ապագամբռութեան արտաքին առիթը: Դավադիրները վարդա-
ցին իրենց նպատակների համար ոգտվել այն խտանաշիթությունից,
վոր առաջացել եր Ալեքսանդր Ա մահվան և մեծ իշխաններ Նիկոլայի ու
Կոնստանտինի միջև գահաժառանգութեան հարցի շուրջը տեղի ունե-
ցած վեճերի շնորհիվ:

Ինչ Ալեքսանդրի կենդանութեան ժամանակ Կոնստանտինը քիչ
թե շատ հոժարակամ հրաժարվել եր գահը ժառանգելու իր իրավուն-
քից, վորի հետևանքով այդ իրավունքը անցել եր Նիկոլային: Սակայն
այդ գործարքի մասին գիտեցին, բացի շահագրգռված անձերից, միայն
շատ քչերը, մինչդեռ մնացյալ ամբողջ վոշ աստիճանավոր և նույնիսկ
աստիճանավոր Ռուսաստանը Կոնստանտինին շարունակում եր թա-
գածառանգ համարել: Յերբ վոր Ալեքսանդրի՝ Տաղանդովում տեղի
ունեցած՝ մահվան լուրը Պետերբուրգ հասավ (նոյեմբերի 27-ին հ. տ.)
Նիկոլայը, պալատական յեկեղեցում Ալեքսանդրի համար հոգեհան-
գիտ կատարելուց անմիջապես հետո, մի կողմ տարավ Պետերբուր-
գի զինվորական նահանգապետ Միլորադովիչին և ասաց նրան, վոր հան-
դուցյալ կայսրի կտակի հիման վրա գահը իրեն՝ Նիկոլային և պատ-
կանում: Իրան Միլորադովիչը պատասխանեց, թե Ռուսաստանում
գահաժառանգութեան մասին որենք գոյություն ունի, վորին յենթարկ-
վելով ինքն արգեն զորքին հրաման և արձակել հպատակութեան յեր-
գում տալ Կոնստանտինին: Նիկոլայը անկարող յեղավ Միլորադովիչի
հաստատակամությունը կտարել և ինքզինքը հարկադրված զբաց յեր-
գում տալ իր ավագ յեղբորը: Նրանից հետո յերգվեց Միխայիլ Նի-
կոլայիչը և պալատական բոլոր բարձրաստիճան պաշտոնյանները:
Այդպիսով 1825 թ. նոյեմբերի 27-ին Կոնստանտինը ուսական կայսր
գարձավ:

Սակայն յերգում տալով իր յեղբորը, Նիկոլայը իր գործը տար-
ված չեր համարում: Նա այն ժամանակ վարչավայում գտնվող Կոնս-
տանտինի մոտ պատգամավորներ ուղարկեց, վորոնք պետք և հիշեց-
նեցին նրան, վոր նա գահից հրաժարվել և: Ամեն ինչից յերեւում ե,
վոր նախկին «թագածառանգը» այդ հիշեցումը ընդունեց մեծ զժգո-
հությամբ: Նա չհամաձայնվեց իր կայսրական գահից հրաժարվելու
մասին հայտարարել ի լուր համայն ժողովրդի: Բայց և միևնույն
ժամանակ չեր համարձակվում ժխտել Նիկոլայի իրավունքները: Նա
նստած եր իր առանձնասենյակում մոռյլ և շփոթված և վոչինչի չեր
ձեռնարկում այս կամ այն ուղղութեամբ: Հետևանքը յեղավ անիշխա-
նութեան նման մի դրություն, վորը տեց 16 որ ու ընդհանուր տա-
րակուսանք առաջացրեց:

Պետերբուրգի բարձր հասարակութեան զվարճամոլները՝ «պաղ
դիակներն» ու «անմիա մանուկները», անտարբեր դեպի իրենց յերկրի

բաղդը, սրախոսում եյին միայն այդ անմիտ խտանաշիթութեան
առթիվ, հարցնելով միմիջանց. կվտճառվե՞ն արդոք և ի՞նչպիսի
գնով կվտճառվեն վոչխարն երը: Սակայն «Բարորութան
Միութեանը» հանգիստ մնալ չեր կարող: Բիլեկի մոտ ամեն որ
խորհրդակցութեան եյին հավաքվում այդ ժամանակ Պետերբուրգում
գտնվող գաղտնի միութեան անդամները՝ իշխան Տրուբեցկոյը և Ո-
բոլենսկին, Բեստուժե յեղբայրները, Գլինկան, Բուլատովը և մյուս-
ները: Յեվ ամեն մի նոր խորհրդակցությունից հետո նրանց համար
ավելի ու ավելի պարզ եր գտնում իրենց գործի շահերի տեսակետից
անիշխանությունից ոգտվելու անհրաժեշտությունը¹⁾: Իշխան Տրուբեց-
կոյը դիկտատոր և ընտրվում, և նրան իշխանություն և տրվում վրճ-
ուական բողոք ուժերը: Ամենքն ել հասկանում եյին, վոր անցքերի
վախճանը իրեն յերկար սպասել չի տա:

Ինկտեմբերի տաննեմեկին Բիլեկի մոտ կայացած ժողովում վճո-
վում և յերգում չտալ Նիկոլայ Պավլովիչին և, գվարդիական գնդերին
վտաքի հանելով, առաջնորդել նրանց Սենատի հրապարակը: «Հույս
ունենալով հաջողութեան վրա, — պատմում ե Ի. Պուչչինը, — պատրաստ-
վեց մի մանիֆեստ, վոր Սենատը պետք և հրապարակեր իր կողմից և
վորով հրավիրվում եր Չեմսովային Դուժան, վորը պետք և բաղկացած
լիներ ամբողջ ուսական յերկրի ներկայացուցիչներից: Այդ Չեմսովա-
յին Դուժային եր վերապահվում վորոշել, թե Ռուսաստանի համար
կառավարչական վոր ձևն և ամենից հարմարը: Մինչև Դուժայի հա-
վաքվելը, Սենատը պետք և Պետական Խորհրդի անդամներ Սպերանս-
կուն, Մորզովինովին և սենատոր Ի. Մ. Մուրավյով-Ապոստոլին ժամա-
նակավոր կառավարիչներ նշանակելու: Ժամանակավոր կառավարու-
թեան կից պետք և գտնվեր գաղտնի միութեան մեկ անդամը և ուշի
ուշով հետևեր կառավարութեան ամբողջ գործունեյութեանը²⁾»:

Հետևյալ որը, ամսի տանյերկուսին, Բիլեկը իմանում և, վոր
գաղտնի միութեանը մատնելի և նրա անդամներից մեկի Յա. Բոստով-
ցկի կողմից, վորը իր «խղճի» պարտքն եր համարել հայտնել Նիկոլա-
յին նրան սպառնացող վտանգի մասին: Այդպիսով վերջին նավերը
այրված եյին. դավադիրներն արգեն նահանջել չեցին կարող, յեթի
անգամ ցանկանային: Բայց նրանք նահանջի մասին չեցին մտածում:

Ինկտեմբերի տաննեզորսի առավոտյան, յերբ Պետերբուրգում զբա-
նվող զորքերին հրամայված եր յերգվել Նիկոլային, Ալեքսանդր

526
M

1) «Մեկ արդարացի կերպով սրիկաներ կանվանելին, յեթի մեք բաց թողնելից
ածմյան միակ դեպքը», գրում եր Պուչչինը Մոսկվա Սեմյոնովին:
2) «Четвернадцатое декабря» И. Пущина в «Залиских декабристов», выпуск
2-й и 3-й стр. 143—144.

Բեստուժեւը և ի շէտան Շչեպկին-Ռոստովսկին իրենց կողմն են գրավում Մոսկվայի լեյբ-գվարդիական գունդը և առաջնորդում Սե- նատի հրապարակը: Քիչ ժամանակ անց նույն տեղն են գալիս լեյբ- գրենադերները, գումարտակային ադյուտանտ Պանովի ղեկավարու- թյամբ, և գվարդիական նավաստիների ծովային գունդը իր սպաներով Կյուսխելքեկեր, Արբուզով, Պուշկին, Բելյան յերկու յեղբայրները, Դի- վովը և Բոգիսկոն: Ծովային գվարդիական զորամասերի հետ յեկավ նրա հետ առնչութիւն չունեցող կապիտան-լեյտենանտ Ն. Բեստուժեւը: Բոլոր այս զորքերը տեղավորվեցին թիկունքով դեպի Սենատ, Մոս- կովյան գնդի ձախ կողմից՝ լեյբ-գրենադերները, իսկ աջից՝ նավաս- տիները:

Այն, ինչ վոր պատահեց հրապարակում կարելի յե նկարագրել մի քանի խոսքով: Յետ մղելով հեծելազնդի գրոհը, «խռովարարները» շա- րունակում ելին հաստատուն կանգնած մնալ, չյինթարկվելով վոչ մի «հորդորի» և ցրիվ են տրվում միայն կարտեչով: Թողնելով Սենատի հրապարակը, նրանք փորձում են ամրանալ Նեայի սառույցի վրա, սա- կայն թնդանոթները շարունակում են իրենց արյունալի գործը կատա- րել, վոչնչացնելով լուրջ ընդդիմադրության ամեն մի հնարավորութիւն: Ապստամբութիւնը ճնշվում ե: Ակսվում են մասսայական ձերբակալու- թիւններ:

Ինքնըստինքյան հասկանալի յե, վոր Նիկոլայը դաժանորեն հա- տուցեց պարտավճանքին այն վախի համար, վոր ապստամբութիւնը պատճառել եր նրան: Բայց նախ քան այդ պատիժը նկարագրելը, յես ցանկանում եմ մի քանի խոսք ավելացնել դավադիրների դեկտեմբերի տասնևչորսի գործողութիւնների մասին:

Կովի նպատակահարմության տեսակետից այդ գործողութիւննե- րը հազիվ թե անդամ բարեացակամ քննադատության դիմանան: Ճիշտ ե մեծ շփոթութիւն առաջ բերեց նրանց մեջ Տրուբեցկոյի տարրինակ վարմունքը, վորը վոչ միայն չկատարեց իր պարտականութիւնը իբրև ապստամբության ղեկավար, այլ նույնիսկ Սենատի հրապարակը չե- կավ: Սակայն հենց միայն այն հանգամանքը, վոր դավադիրները, վա- րանելով գործի անցնել առանց նրա հրամանի, սպասում են նրան մինչ- չե յերեկո Նիկոլային հավատարիմ մնացած զորքի դիմաց, կարծես թե ցույց և տալիս, վոր նրանք քիչ ելին տրամադրված հարձակողական գործողութիւնների դիմելու: Նույն տպավորութիւն են թողնում ինչ- պես այդ, նույնպես և նախորդ որվա դեպքերից շատերը: Պուշկինի ասելով, Կախովսկին շխտք ե տալիս Բիլեկին, վոր յեթե Նիկոլայ Պավ- րովիչը դուրս գա զորքի առաջ, նրան հարված կհասցնի»: Այդ չի արվում: Ինչու: Պուշկինը այդ բացատրում ե նրանով, վոր հետո Ալեքսանդր Բեստուժեւը առանձին համոզում ե Կախովսկուն Բիլեկին

տված խոսաման փորձը չանել¹⁾: Ինչով ե ղեկավարվել Բեստուժեւը յետ կանգնեցնելով Կախովսկուն: Յեվ ինչու Կախովսկին, վորը չեք տատանվում ձեռք բարձրացնել Միլորադովիչի վրա—գիջել ե նրա պնդումներին: Հետո: Բիլեկի մոտ կայացած վերջին ժողովում դեկ- տեմբերի 13-ի յերեկոյան վճռված ե յեղել, վոր հետևյալ որը, առա- վոտյան Ա. Բեստուժեւը և Յակուբովիչը, Մոսկովյան գունդը զորա- նոցներից դուրս բերելով, նրանց հետ միասին կգնան Լիսեյսկում գտնվող թնդանոթաձիգների զորանոցները այնտեղից թնդանոթները վերցնելու և թնդանոթաձիգներին կոչ անելու դեպի Սենատի հրա- պարակը: Այդ նույնպես չի արվում: Իսկ մինչ այդ վորքան կարևոր կլինեք դավադիրների համար իրենց կողմն թնդանոթներ ունենալ: Բայց և այդ սարսափելի սխալը կարող եր ուղղել Պանովը լեյբ- գրենադերների հետ Դվորցովի հրապարակով անցնելիս նույն այն թնդանոթների մոտով, վորոնք հետո կարտեչ թափեցին ապստամբնե- րի գլխին: Բոլորն ել ասում են, վոր այն ժամանակ Պանովը կարող եր այդ թնդանոթները գրավել: Սակայն նա նույնիսկ չի փորձուժ այդ անել: Նույն այդ Պանովը իր գինվորներով անցնում ե Պետրո- պովրովսկի բերդի միջով, հետևապես առանց դժվարության կարող եր գրավել այն, դրանով, անհաջողության դեպքում ապահովելով հու- սալի մի հենարան իր համախոհների համար: Սակայն ինչպես յերե- վում ե, այդ միտքը նրա մեջ չի ծագում: Ինչով բացատրել այդ սխալները: Յեվ վերջապես ինչով բացատրել այն թերևս ամենամեծ սխալը, վոր ապստամբները մինչև յերեկո մնում են կանգնած հրապա- րակում, ժամանակ տալով իրենց թշնամիներին ուժեր հավաքելու, և չեն կանխում նրանց հարձակումն ու վաղ առավոտից չեն հարձակ- վում պալատի վրա: Մարդու սիրտը ճմլվում ե, յերբ մտածում ես, վոր, շնորհիվ բոլոր այդ ու դրա նման սխալների, դավադիրները հնա- րավորութիւն չունեցան իրենց թշնամուն դաժան և սարսափելի հար- վածներ հասցնել: Յեվ ակամայից ինքդ քեզ հարց ես տալիս՝ մի՞թե իսկապես կորովամտութիւն, վճռողականութիւն կամ քաջութիւն չեն ունեցել խելոք ու յեռանդով լի, առանց անդամ ամենաչնչին յեր- կյուղի, մահվան աչքերին նայող այդ փայլուն գինվորական մարդիկ: Վո՛չ, նման յենթադրութիւնը բնավ չի համապատասխանում նրան, ինչ մենք գիտենք գեկարբիտների մասին: Իսկ յեթե այդ այդ- պես ե, այն ժամանակ հարց ե առաջ գալիս՝ ինչով ե բացատրվում դավադիրների 1825 թ. դեկտեմբերի տասնևչորսի աննպատակահարմար գործելակերպը:

Յես կարծում եմ, վոր այդ հարցին ճիշտ կարելի յե պատասխա- նել միայն ցույց տալով նրանց հոգեբանության այն գիծը, վոր

1) «Четырнадцатое декабря» И. Пущина, стр. 146.

մասնանշեցի, աւելով, թե նրանք գիտակցաբար ելին գնում նա-
հատակութեան: Նրանք քիչ ելին հավատում իրենց ապստամբու-
թեան անմիջական հաջողութեանը, այդ ցույց են տալիս նրանցից շատերի
սեփական խոստովանութեանները: Անիշխանութեան ժամանակ, Րիլեկի
մոտ տեղի ունեցած խորհրդակցութեաններին՝ պարզվում է, վոր գաղտ-
նի միութեան ուժերը շատ քիչ են: Յերբ վոր ղեկավարների 12-ի առա-
վորտան գանազան զնդերից պատգամավորներ են հավաքվում Րիլեկի
մոտ, նրա հարցումին՝ «նրանցից ամեն մեկը քանի հոգի կարող է Սե-
նատի հրապարակը բերել», նրանք պատասխանում են, վոր յերաշխա-
վորել չեն կարող վոչ մի մարդու համար: Նման պայմաննե-
րում դժվար եր վստահութեան տածել դեպի հաղթանակը: Յեվ յեթե
զավաղիրները այնուամենայնիվ հրապարակ են դուրս գալիս, այդ բա-
ցատրվում է նրանց այն համոզմունքով, թե իրենց կորուստը անհրա-
ժեշտ է «քնած ոռուսատանցիների» արթնացման համար: Րիլեկը, վո-
րքն իրեն ասելով կարող եր ամեն ինչ կանգնեցնել և վորը բոլորին
հորդորում եր գործի անցնել, լավ գիտեր, վոր կորուստի յե գնում:
Նույն բանը գիտեյին, ինչպես յերևում է, և մյուսները, որինսակ յե-
րիտասարդ իշխան Ողոյեակին, վորն ապստամբութեան նախոր-
դակին բացականչել եր. «մենք կմեռնենք, բայց փառքով կմեռ-
նենք»:

Յեթե մենք յենթադրենք, վոր այսպես է յեղել գաղտնի միու-
թեան անդամների տրամադրութեանը, այն ժամանակ նրանց գոր-
ծողութեանը Սենատի հրապարակում բոլորովին այլ լուսաբանու-
թեան կատանա: Գեկտեմբերի 14-ի անցքերի վրա նայելով իբրև
միապետութեան կողմնակիցների և քաղաքական ազատութեան կողմնա-
կիցների միջև տեղի ունեցած ճակատամարտի վրա, մենք չենք
կարող դավադիրն երի գործողութեաններն մեջ անհե-
տե ողականութեան և աննպատակահարմարութեան չը-
նկատել: Իսկ յեթե այդ նույն անցքերի վրա մենք նայենք իբրև գիտ-
վորական մասնի ֆեոտացիայի վրա՝ ձեռնարկված այնպիսի մարդ-
կանց կողմից, վորոնք ժամանակ չեն ունեցել անգամ լուրջ կովի պատ-
րաստվելու և վորոնք վճռած են յեղել մեռնել, վորպեսզի իրենց կո-
րուստով հետագա սերունդներին ճանապարհ ցույց տան, այդ դեպքում
նրանց գործողութեանների կարծեցյալ անհետևողականութեանն ու ան-
նպատակահարմարութեանը բացատրվում է շատ հասարակ
կերպով՝ նրանք չեն ցանկացել ուժեղացնել արյունահե-
ղութեանը և ավելացնել զոհերի թիվը: «Այդ մարդիկ ցան-
կանում ելին հայտարարել համայն ժողովրդին ոռուսական ազատութեան
միտքը, — իրավացիորեն ասում է Գերցենը, — դիտնալով, վոր իրենք
կորչելու յեն, իսկ համայն ժողովրդին մի անգամ հայտարարված միտ-

քը արդեն յերբեք չի կորչի»¹⁾: Նման տրամադրութեան դեպքում այն
հարցը՝ արդո՞ք կհաջողվի թե վոչ թնդանութեանը վերցնել կամ Պետրու-
պավլովսկի բերդը գրավել — նրանց աչքում կարող եր յերկրորդական
կամ յերրորդական շշմանակութեանն ունենալ:

Իսկ յեթե, նայելով խնդրին այդ տեսակետից, մենք մեզ հարց
տանք՝ հասա՞ն արդո՞ք ապստամբները իրենց գլխավոր նպատա-
կին, այդ դեպքում մենք առանց տատանվելու կպատասխանենք դրա-
կանապես, վորովհետև, ինչպես այդ շատ լավ ասել է նույն Գերցե-
նը — Սենատի հրապարակում հնչած թնդանութեան յե վո-
րոտը մի ամբողջ սերունդ արթնացրեց:

Կավելացնեմ ևս, վոր այդ տեսակետից դավադիրների հերոսական
անձնագործութեանը ավելի պայծառ է ներկայանում: Կրկին կհիշեմ
Րիլեկին: Յերբ նա ղեկավարների 14-ին պատրաստվում եր տանից դուրս
գալ, կինը գլխի ընկնելով, վոր նրան մեծ վտանգ է սպառնում, սկսում
է նրան աղերսալի խնդրել, վոր մնա: «Գաղաքացի» վոտանավորի հե-
ղինակը մնում է անսասան: Այն ժամանակ վշտից ընկճված խեղճ կինը
կանչում է իր աղջկան. «Նատենկա, խնդրի՛ր հորդ քո և իմ կողմից»:
Վախեցած յերեսան մոտ է վազում հորը ու հեկեկալով զրկում նրա
ծնկները, մինչ այդ մայրը համարյա ուշադնաց ընկնում է նրա կրծ-
քին: Րիլեկը կնոջը դնում է բազմոցին և, ազատվելով աղջկա զրկից,
հրապարակ է գնում²⁾: Այդ ցնցող տեսարանի առաջ դժգունում են
Րիլեկի հերոսական ինքնագործութեան մնացած բոլոր արտահայտու-
թեանները:

Գեկտեմբերի 14-ի անցքի վերջաբանը հանդիսանում է Բելայա
Ցերկովի մոտ 1826 թ. հունվարի 3-ի ընդհարումը, վոր տեղի ունե-
ցավ Ս. Մուրավյովի հրամատարութեան տակ ապստամբված Չերնիգով-
սկի հետևակ զնդի զինվորների և ղեներալ Գեյսմարի զորամասերի մի-
ջև: Նշանակալի յե, վոր այդ ընդհարման մեջ վճռողական դերը հրե-
տանին խաղաց, «Վորոշ տարածութեամբ մոտենալով մի փոքրիկ
բարձրութեան, վորի յետևից յերկու թնդանութեանը եր գործում, — ասվում է
Վալիովսկու «Белая Церковь» պատմվածքի մեջ, վորը գրի յե առնը-
ված Սուրովյովի, Բիտարժիցկու և Մադուևսկու»³⁾ խոսքերից, Մուրավյովը
առաջարկում է ցրել հրացանաձիգներին ու նրանց կրակի տարա-
փի տակ հարձակվել թնդանութեանի վրա, բայց նախ քան այդ իրագոր-
ծելը, կարտեչի կրակ բացվեց: Առաջին զնդակներից վերավորվեց

1) «Четырнадцатое декабря и император Николай» стр. 238.
2) Н. Бестужев, op. cit., «Полярная Звезда», стр. 30.
3) Այս պատմվածքը տպագրված է «Գեկտեմբերի զրույթիանների (Записки декабристов) մեջ, выпуск второй и третий, стр. 165—181.

Սերգեյ Մուրավյովը կարտեչով գանգի ձախ մատոււ աչքի վերեւից, և նրա գումարտակը ցրիվ յեկավ»:

Նիկոլայը հիմա կարող եր իր լրիվ հաղթանակը տոնել: Յեւ նա ըստ իր տոնեց: Պետրոպովիովսկի բերզը լեփ-լեցուն եր բանտարկյալներով, վորոնցից ամեն ջանք գործ էյին դնում այսպես կոչված «անկեղծ խոստովանություններ ստանալ»: «Կես գիշերին հանկարծակի բացվում էյին բանտի դռները բանտարկյալի վրա ծածկոց էյին գցում, լոկյան առաջնորդում բանտի միջանցքներով, բակերով ու անցքերով: Յերբ վոր ծածկոցը վերցնում էյին, նա արդեն գտնվում եր ատենական դահլիճում գաղտնի հանձնախմբի անդամների առաջ: Անդամները կյանքի ու մահու հարցեր էյին տալիս, վայրկյանական ու մանրամասն պատասխաններ էյին պահանջում, թագավորի անունից ներում էյին խոստանում անկեղծության համար, ժխտում էյին արդարացումները, հայտարարելով, վոր դրանք հետադայում թույլ կտրվին դատարանի առաջ, ցուցմունքներ էյին հնարում, յերբեմն մերժում էյին մեղադրյալների հետ յերես առ յերես հանդիպման և հաճախ, վոգեվորված իրենց գործ դրած յեռանգով, դիմում էյին սպանալիքների ու անարգանքների, վորպեսզի հարկադրեն խոստովանության կամ ուրիշների մասին ցուցմունքներ տալու: Ով լուծւմ եր դեպքի մասին տեղեկություններ չունենալու պատճառով, կամ անմեղներին կորուստի մատնելու յերկյուղից, նրան բանտում զրկում էյին լույսից, ուժասպառ էյին անում քաղցից ու շղթաներն ավելացնում: Բժշկին հանձնարարված եր համոզվել, թե մեղադրյալը ինչքան ֆիզիքական տանջանք կարող և տանել¹⁾: Յերբ Ի. Դ. Յակուշկինը հրաժարվեց մատնել իր ընկերներին, նրան հարցաքննող Լևաշովը բացականչեց. «Այդ դեպքում ձեզ կհարկադրեն անվանել նրանց. յես դատավորի պարտականություններին եմ անցնում և ասում եմ ձեզ, վոր Ռուսաստանում հարցաքննությունների ժամանակ տանջանք կա»: Յակուշկինի վերաբերյալ տանջանքը սահմանափակվեց նրան շղթայակապ անելով միայն, բայց մյուսները ավելին կրեցին: Ահա ինչ և պատմում Պետելի մասին ղեկարրիտաներից մեկը, վորը տեսել եր նրան մահվան պատժից առաջ: «Նրան տեսա հիվանդությունից հետո: Նա կրել եր քրիստոնեության առաջին շրջանի ամեն տեսակի տառապանք ու տանջանք: Դիւի վրայ յերկու արյունոտ ձեղքվածքները այդ տանջանքների վկաններն են: Պիտի յենթադրել, վոր գլխին պինդ հողցրած յերկու ներս ընկած խոր ակոսներով յերկաթե ողը թողել եր նրա գլխի վրա իր յերկու խոր արյունոտ հետքերը²⁾»:

1) «Разбор донесений тайной следственной комиссии» в «Записках декабристов», стр 104.
2) «Воспоминания о Кронверкской куртине (из Записок декабриста) в сбор-

Յերբ քննիչների վոչ մարդկային դատանությունները թուլացրին միության յերկրորդական անդամներից մի քանիսի (շատ քչերի) արիությունը, այնուամենայնիվ նրա ահազին մեծամասնության վրա սարսափեցնող աղբեցություն չգործեցին: Քննիչ հանձնախմբի (Следственная Комиссия) տեղեկագիրը համարյա թե նրանցից ամեն մեկին ել խորը զըղջում և վերագրում: Սակայն ամեն վոք, ով ուշադրությամբ կհարդա այդ ղեկուցումը, կհամոզվի, վոր նա ճշմարտությունը սիստեմատիկ կերպով ազավաղում ե: Ահա մի վայրուն որինակ, վոր բերել և Գերցենը իր «Դեկտեմբերի 14 և Նիկոլայ կայսրը» գրքի մեջ: «Յակուշկինի մահապատիժը փոխարինեցին քսան տարվա տաժանակիր աշխատանքի, հարգելով նրա լիակատար զըղջումը: Մինչդեռ Յակուշկինի զըղջումը կայանում եր միայն հետեյալում: Նա դատարանին ասաց, վոր համաձայնել եր թագավորի սպանության և ինքն ել պատրաստ եր այդ իրագործելուն ու, հետեւաբար, նա պետք և մահվան դատապարտվի, թող իրեն կախեն, բայց ինքը դրանից բացի ել վոչինչ չի ասի: Ինքը Նիկոլայ կայսրը կանչեց նրան իր մոտ և հրամայեց խոստովանել: Յակուշկինը նրան ել ասաց նույնը՝ ինչ դատարանում: «Բայց դիտես թե դու ում առաջ ես կանդանած, բացականչեց կայսրը: «Նրա համար, վոր դու կայսրին ճշմարտությունը չես ասում, յե՞թե յես ներեմ ել քեզ, այն աշխարհում Աստված չի ների»:—«Բայց չե վոր յես հանդերձյալ կյանքի չեմ հավատում» հանդիստ պատասխանեց Յակուշկինը: «Իուրս տարեք այս գարշիլուն» գոռաց Նիկոլայը և հրամայեց Յակուշկինին կրկին բանտ տանել և տալ նրան ավետարան, պասուց կերակուրներ ու ամեն որ քահանա ուղարկել նրա մոտ՝ խրատներ կարդալու: Ահա և Յակուշկինի ամբողջ զըղջումը»: Բիլեկը ուղղակի հայտարարեց քննիչ հանձնախմբում, վոր ղեկտեմբերի 14-ի պատիվը իրեն և վերաբերում և վոր ինքը կարող եր ամեն ինչ կանգնեցնել, բայց անհրաժեշտ եր համարում հորդորել գործի անցնել: Հանձնախմբի տեղեկագիրը նրան ել «լիակատար զըղջում և մտածելակերպի փոփոխում» և վերագրում: Այդ զրպարտության ամենից լավ պատասխանում և Բիլեկի բանտում գրած (մեխով անագե փսեսյի վրա) քառյակը:

Բանտը պատիվ և ինձ և վոչ անարգանք,
Արգար գործի դատն և բերել ինձ այստեղ.
Ամս՞թ համարեմ շղթա ու կապանք՝
Յերբ կրում եմ, իմ հայրենիք, քեզ համար:

Բրեհական բարձրագույն դատարանը «ընդունեց և միաձայն վոնիկո, напечатанном в Лейпциге и носящем странное заглавие: Революционные опыты возбуждающегося нигилизма (sic!). Պետելի ճակատի ճեղքվածքների մասին տես եջ 303:

—կծագի «Նմայիչ յերջանկության այն արշալույսը», վորի մասին Պուշկինն ասում և Չապոսևին ուղղած ձոնի մեջ, այն ժամանակ, և միայն այն ժամանակ,—

Ռուսաստանը կզարթնի քնից
Ու կթոթափի լուծը միապետության:



ԳԻՆԸ 30 ԿՈՊ.

